

Fundur fulltrúaráðs Héraðsnefndar Þingeyinga bs. haldinn í Heiðarbæ í Reykjahverfi 18. nóvember 2016 kl. 14:00.

Fundinn sátu eftirtaldir fulltrúar;

- frá Þingeyjarsveit; Arnór Benónýsson og Ragnar Bjarnason
- frá Skútustaðahreppi; Jóhanna Katrín Þórhallsdóttir
- frá Norðurþingi; Erna Björnsdóttir, Óli Halldórson, Soffía Helgadóttir og Trausti Aðalsteinsson
- frá Tjörneshreppi; Steinþór Heiðarsson
- frá Svalbarðshreppi; Daníel Hansen
- frá Langanesbyggð; Reynir Atli Jónsson og Þorsteinn Ægir Egilsson

Fundinn sátu einnig eftirtaldir framkvæmdastjórar aðildarsveitarfélaganna; Dagbjört Jónsdóttir sveitarstjóri Þingeyjarsveitar, Kristján Þór Magnússon sveitarstjóri Norðurþings, og Elías Pétursson sveitarstjóri Langanesbyggðar. Einnig sat fundinn Reinhard Reynisson framkvæmdastjóri Héraðsnefndar Þingeyinga bs. sem ritaði fundargerð.

Formaður setti fund og stýrði honum. Bauð hann fundarmenn velkomna til starfa.

**Þetta gerðist:**

## 1. Skýrsla framkvæmdastjórnar HNP bs.

Dagbjört Jónsdóttir formaður framkvæmdastjórnarinnar gerði grein fyrir starfi hennar frá því að byggðasamlagið var formlega stofnað sl. vor. Haldinn hefur verið einn formlegur fundur en einnig hafa ráðnir framkvæmdastjórar átt í óformlegum samskiptum sem m.a. nýttust sveitarfélögunum vel vegna endurútgáfu framkvæmdaleyfa háspennulína frá Kröflu um Þeistareyki og að Bakka. Samstarfssamningur um félagsþjónustu hefur verið til umræðu ásamt tæknilegum atriðum á borð við fundarform og er áhugi á því að nýta fjarfundarbúnað til að auðvelda starfið og auka þannig virkni framkvæmdastjórnarinnar.

## 2. Starfs- og rekstraráætlun 2017 ásamt þriggja ára áætlun 2018-2020

Reinhard gerði grein fyrir áætluninni og þeim forsendum sem hún byggir á. Í megin atriðum er um að ræða óbreyttan rekstur á milli ára. Tekjur og gjöld vegna Þingeyjarverkefnisins byggja á umsókn til Framkvæmdasjóðs ferðamannastaða og uppfærðri áætlun skipulagshönnuða.

Áætlunin og forsendur hennar ræddar. Samþykkt að bæta við áætlunum kostnaði vegna funda í sameiginlegri barnaverndarnefnd til samræmis við náttúruverndarnefnd. Einnig samþykkt að gera ráð fyrir kostnaði – kr. 352.800,- vegna gagnavinnslu skv. tilboði frá Þekkingarneti Þingeyinga við greiningu á framtíðaríbúapróun á svæðinu skv. tillögu framkvæmdastjórnar. Óli vék af fundi við afgreiðslu tilboðsins.

Að teknu tilliti til ofangreindra breytinga eru áætluð útgjöld verkefna HNP bs. á árinu 2017 12,6 mkr. og tekjur 10,2 mkr. Halli ársins er því áætlaður 2,4 mkr. sem mætt verður með því að ganga á handbært fé.

Jóhanna Katrín vakti athygli á því að vegna aukinna krafna í lögum megi gera ráð fyrir aukinni starfsemi náttúruverndarnefndar.

Trausti spurði um fjármuni sem sérgreindir eru markaskrár í héraðinu en um er að ræða fjármuni sem héraðssjóður hefur til varðveislu en eru bundnir viðkomandi verkefni.

Að umræðu lokinni bar formaður svo breytta tillögu að rekstraáætlun 2017 upp til atkvæða og var hún samþykkt samhljóða.

Þriggja ára áætlun gerir ráð fyrir því sem næst óbreyttum rekstri. Samþykkt að breyta henni til samræmis við áætlun 2017 hvað varðar starfsemi barnaverndarnefndar og að áætluð framlög sveitarfélaganna verði þannig að ekki komi til sjóðþurrðar hjá héraðssjóði.

Að umræðu lokinni bar formaður þriggja ára áætlun 2018-2020 upp til atkvæða með áorðnum breytingum og var hún samþykkt samhljóða.

### 3. Tillaga framkvæmdastjórnar um skipan barnaverndarnefndar

Reinhard gerði grein fyrir tillögunni sem gerir ráð fyrir því að fulltrúaráð HNP bs. skipi sameiginlega barnaverndarnefnd fyrir starfsvæði sitt skv. tilnefningum frá sveitarfélögunum. Tillögunni er ætlað að treysta stjórnarsýslulega stöðu og umboð nefndarinnar.

Tillagan borin upp til atkvæða og samþykkt samhljóða. Verður hún send aðildarsveitarfélögunum til afgreiðslu þar sem um er að ræða nýtt verkefni skv. ákvæðum stofnsamnings HNP bs. Jafnframt er framkvæmdastjórn falið að setja nefndinni erindisbréf.

Um framkvæmd og útfærslu verði leitað lögfræðilegrar ráðsgjafar Samb. ísl. sveitarfélaga og annarra aðila eftir atvikum, þannig að tryggt verði að enginn minnsti vafi leiki á um umboð nefndarinnar.

### 4. Tillaga framkvæmdastjórnar um breytingar á ráðgjafarsamningi um félags- og skólaþjónustu milli Norðurþings sem þjónustuveitanda og hinna sveitarfélaganna sem þjónustukaupanda

Kristján Þór gerði grein fyrir vinnu sem átt hefur sér stað á milli sveitarfélaganna til að taka á þeim ágöllum sem eru á núverandi samningi. Einkum er þar um að ræða að skýra ákvæði um framsal valds til töku stjórnarsýsluákvæðana. Þá ræddi hann aðkomu sveitarfélaganna að ákvörðunum og umfjöllun mála hjá Norðurþingi þar sem málefni samningsins væru til umfjöllunar, t.d. áheyrnarfulltrúa með tillögurétti.

Einnig tóku til máls Elías, Dagbjört, Ragnar, Arnór og Jóhanna Katrín. Samhljómur var í máli allra að þróa samstarfið á grunni núverandi samnings þó síðar mætti e.t.v. skoða að færa hann á vettvang HNP bs.

### 5. Málefni Náttúruverndarnefndar Þingeyinga

Reinhard gerði grein fyrir samtali sem hann hefur átt við formann nefndarinnar um nauðsyn þess að efla starf hennar, m.a. að henni verði sett formlegt erindisbréf.

Jóhanna Katrín vakti athygli á því að skoðað yrði að fjölga í nefndinni, bæði vegna aukinna verkefna sem rekja má til lagaskyldna og til að tryggja starfhæfni hennar í þeim tilfellum sem vanhæfisaðstæður koma upp. Til máls tóku einnig Dagbjört og Óli.

Að umræðu lokinni var samþykkt að fela framkvæmdastjórn að setja nefndinni erindisbréf. Jafnframt er framkvæmdastjórn falið að skoða hvort fjölga eigi í nefndinni og hvernig best sé hagað tilnefningum til setu í henni og leggja tillögur sínar fyrir eigi síðar en á vofundi fulltrúaráðs 2017.

## 6. Önnur mál

- a) Arnór greindi frá umræðum sem fram hefðu farið á aðalfundi Eyþings um fyrirkomulag samstarfs sveitarfélaganna, ekki síst samstarf atvinnuþróunarfélaganna og Eyþings vegna umsýslu Uppbyggingarsjóðs NE.
- b) Óli vakti athygli á umræðu sem áður hefur átt sér stað um það hvort skoða ætti að fella starfsemi Atvinnuþróunarfélags Þingeyinga undir HNP bs.
- c) Reinhard taldi miður ef samstarf atvinnuþróunarfélaganna og Eyþings minnkaði, enda um að ræða sameiginleg verkefni sveitarfélaganna þó á mismunandi kennitölum séu. Minni aðkoma félaganna að umsýslu Uppbyggingarsjóðs NE myndi veikja tengsl þeirra við umbjóðendur sína – frumkvöðla og fyrirtæki á svæðinu.
- d) Soffía taldi samstarf umræddra stoðstofnana heppilegra en sameiningu þeirra.
- e) Kristján Þór lýsi ánægju með það hvernig HNP bs. færi af stað og taldi það geta nýst samfélaginu á svæðinu vel til að styrkja byggðalega stöðu þess.
- f) Daníel og Arnór lögðu áherslu að fjárhagslegur hlutur svæðisins innan Eyþings væri ekki fyrir borð borinn í ljósi þess hvernig þeir fjármunir eru til komnir.
- g) Að umræðu lokinni var samþykkt að fela framkvæmdastjórn, í samstarfi við stjórn AP, að skoða kosti og galla þess að fella starfsemina alla undir HNP bs.

Fleira ekki gert, fundi slitið kl. 16:15